

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) i tačke IV Zaključka o usvajanju Programa utroška sredstava kapitalnih ulaganja za 2016. godinu „Nabavka građevina“, broj: 02-14-7049/16 od 29.03.2016. godine, a na prijedlog Ministarstva za pravosuđe i upravu, Vlada Zeničko-dobojskog kantona, na 52. sjednici, održanoj 19.04.2016. godine, d o n o s i

ODLUKU

o odobravanju finansijskih sredstava za nabavku građevina

Član 1.

(Predmet odluke)

Odobravaju se finansijska sredstva u iznosu od 585.000,00 KM (slovima: petstotinaosamdesetpethiljada konvertibilnih maraka) u svrhu izgradnje i nabavke objekata pravosuđa, sa ciljem stvaranja prostornog kapaciteta i fizičkih uvjeta za rad pravosudnih institucija na području Zeničko-dobojskog kantona.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2016. godinu, razdjel 16 - Ministarstvo za pravosuđe i upravu, budžetska organizacija 01, potrošačka jedinica 0001, ekonomski kod 821200 pozicija „Nabavka građevina“.

Član 3.

(Postupak realizacije)

Ministarstvo za pravosuđe i upravu će postupak nabavke realizovati u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 4.

(Provođenje odluke)

Za realizaciju ove odluke zadužuju se Ministarstvo za pravosuđe i upravu i Ministarstvo finansija svako u okviru svojih nadležnosti.

Član 5.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____/16.

Datum, 19.04.2016. godine

Z e n i c a

PREMIJER PO OVLAŠTENJU

Himzo Smajić

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x Službene novine Zeničko-dobojskog kantona

1x a/a.